

FONDO SOLIDARIO DE LIBROS DE TEXTO E AXUDAS PARA ADQUIRIR LIBROS DE TEXTO E MATERIAL ESCOLAR - CURSO ESCOLAR 2018/2019.

- **Ensinanzas e cursos aos que afecta:**
 - **Fondo solidario de libros de texto:** alumnado matriculado en 3º, 4º, 5º e 6º de Educación Primaria, cursos nos que, necesariamente, se manterán os libros de texto do curso 2017/18.
 - **Axudas para adquirir libros de texto:** alumnado matriculado en 1º e 2º de Ed. Primaria; alumnado cunha discapacidade igual ou superior ao 65% ou con necesidades específicas de apoio educativo (NEAE) matriculado en 3º, 4º, 5º e 6º de Ed. Primaria.
 - **Axudas para adquirir material escolar:** alumnado matriculado en Educación Primaria.
- **Normativa:** Orde do 9 de maio de 2018 (DOG núm.95, 21.05.2018).

DEVOLUCIÓN DOS LIBROS DE TEXTO DO CURSO 2017/2018.

- **Obriga de devolver:** O alumnado beneficiario de libros de texto ou de material reutilizable recibido do fondo solidario ou adquirido con axudas para libros de texto, deberá devolvelo ao centro para a súa incorporación ao fondo solidario para o curso 2018/2019. O **prazo máximo para devolvelos** será **o 22 de xuño de 2018**. Está excluído desta obriga o alumnado beneficiario de axuda para adquirir libros de texto de 1º e 2º de EP, e o alumnado cunha discapacidade $\geq 65\%$ ou con NEAE, sempre que os libros e o material adquirido non se poidan reutilizar.
- **Consecuencias da falta de devolución:** A falta de devolución será causa de exclusión da participación no fondo solidario e das axudas para adquirir libros de texto e material escolar no curso 2018/19.

FORMA, LUGAR E PRAZO DE PRESENTACIÓN DE SOLICITUDES.

- A **solicitud** será **ÚNICA** para todos os fillos/as, e de ser o caso, tutelados, que estean admitidos/as no mesmo centro docente para o curso 2018/2019, e nela especificarase o nivel de estudos que espera realizar cada un deles/delas no citado curso.
- As **solicitudes (ANEXOS I e II)** poden presentarse das seguintes formas:
 - **En soporte papel, no centro no que estea matriculado o alumno/a**, ou en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.
 - Realizar a solicitud **accedendo á aplicación informática Fondolibros** (<https://ww.edu.xunta.gal/fondolibros>) e, unha vez cubertos todos os datos, **gardala, obtendo así o número de solicitud**, e posteriormente, **pódese optar** polas seguintes formas de presentación:
 - ❖ **Presentación no centro:** Neste caso imprímese a solicitud e o anexo II e preséntase no centro (debidamente asinados), xunto coa documentación.
 - ❖ **Presentación na Sede Electrónica da Xunta de Galicia** (<https://sede.xunta.gal>)
- Este formulario (Anexo I) tamén estará dispoñible no portal educativo, enderezo <http://www.edu.xunta.gal>, nas dependencias das xefaturas territoriais da consellería competente en materia de educación, na sede electrónica da Xunta de Galicia (<https://sede.xunta.gal>) e na páxina web do centro educativo www.edu.xunta.gal/centros/ceipseixalbo
- **O PRAZO DE PRESENTACIÓN DE SOLICITUDES REMATARÁ O DÍA 22 DE XUÑO DE 2018 (ESTE INCLUÍDO).**

DOCUMENTACIÓN COMPLEMENTARIA NECESARIA

- **Anexo II** (Comprobación de datos dos membros computables da unidade familiar).
- **Copia do libro de familia onde figuren todos os membros computables.** No caso de non ter libro de familia ou se este non reflicte a **situación a 31 de decembro de 2016**, poderase acreditar o número de membros utilizando:
 - Sentenza xudicial de separación ou divorcio ou, de ser o caso, convenio regulador onde conste a atribución da custodia do/a menor.
 - Certificado ou volante de convivencia.
 - Informe dos servizos sociais ou do órgano equivalente do concello onde resida a familia.
- E de ser o caso:
 - **Grao de discapacidade:** Certificado acreditativo do grao de discapacidade de calquera membro da familia recoñecido por un órgano que non pertenza á Xunta de Galicia.
 - **Violencia de xénero:** Acreditarase en calquera das formas que enumera o artigo 5 da Lei 11/2007, do 27 de xullo, galega para a prevención e o tratamento integral da violencia de xénero.
 - **Incapacitación xudicial con patria potestade prorrogada ou rehabilitada:** Resolución xudicial.
 - Resolución administrativa ou xudicial acreditativa da situación de acollemento ou do certificado do centro de menores, **para o alumnado en situación de tutela ou garda da Xunta de Galicia.**
 - Certificado de convivencia, volante de convivencia ou informe dos servizos sociais ou do órgano equivalente do concello onde resida a familia, **no caso de que o pai e a nai ou o titor ou titores carezan de DNI e NIE.**

RENDA PER CÁPITA DA UNIDADE FAMILIAR.

- **Renda da unidade familiar do exercicio fiscal 2016 dividida entre o número de membros computables.**
- **Computarán por dous os membros que acrediten unha discapacidade igual ou superior ao 33%** ou a percepción dunha pensión da Seguridade Social por incapacidade permanente nos graos de total, absoluta ou gran invalidez, ou o equivalente de clases pasivas.
- Na **declaración do IRPF do exercicio fiscal 2016, sumaranse** a base imponible xeral (**recadro 392**) e a base imponible do aforro (**recadro 405**); cando non se presentase declaración, teranse en conta os ingresos de acordo cos datos tributarios facilitados pola AEAT.
- Nos casos de violencia de xénero non se terán en conta os ingresos do agresor para determinar a renda per cápita da unidade familiar.

MEMBROS COMPUTABLES DA UNIDADE FAMILIAR.

- a) Os pais non separados legalmente nin divorciados ou, de ser o caso, o titor ou titores do alumnado.
 - b) Os/as fillos/as menores de idade con excepción dos emancipados.
 - c) Os/as fillos/as maiores de idade discapacitados ou incapacitados xudicialmente suxeitos á patria potestade prorrogada ou rehabilitada.
 - d) Os/as fillos/as solteiros menores de 25 anos e que convivan no domicilio familiar.
 - e) Os proxenitores separados legalmente ou divorciados con custodia compartida forman unha unidade familiar cos fillos que teñen en común.
 - f) A persoa que, por novo matrimonio ou por convivencia en situación de unión de feito ou análoga, viva no domicilio familiar coa persoa proxenitora do alumnado.
- Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos do punto anterior.
